

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), člana 50. stav 1. tačka b) Ustava Zeničko-dobojskog kantona i tačke II. Zaključka Vlade Zeničko-dobojskog kantona, broj: 02-06-17283/19 od 22.11.2019. godine, , na prijedlog Ministarstva finansija, Vlada Zeničko-dobojskog kantona, na 37. sjednici, održanoj dana 27.12.2019. godine, d o n o s i

ODLUKU

o izvršenju Presuda Evropskog suda za ljudska prava u predmetu Šain i drugi protiv Bosne i Hercegovine, ap. br. 61620/15 i 53 druga, Elčić i drugi protiv Bosne i Hercegovine, ap. br. 34524/15 i 5 drugih, Dujak Vinko i 52 druga protiv Bosne i Hercegovine, ap. br. 17303/15 i dr i Hrnjić i 57 druga protiv Bosne i Hercegovine, ap. br. 20954/13 i dr

Član 1.

(Predmet Odluke)

Predmet ove odluke je realizacija obaveza Zeničko-dobojskog kantona, kao nadležnog nivoa vlasti, na izvršenju domaćih sudskih presuda u korist aplikanata, koje su bile predmet postupka pred Evropskim sudom za ljudska prava u predmetu Šain i drugi protiv Bosne i Hercegovine, ap. br. 61620/15 i 53 druga, Elčić i drugi protiv Bosne i Hercegovine, ap. br. 34524/15 i 5 drugih, Dujak Vinko i 52 druga protiv Bosne i Hercegovine, ap. br. 17303/15 i dr i Hrnjić i 57 druga protiv BiH, ap. br. 20954/13 i dr., kao međunarodne obaveze Zeničko-dobojskog kantona, prioritete u odnosu na sve domaće zakone, a prema aktima Ureda zastupnika Savjeta ministara BiH pred Evropskim sudom za ljudska prava u Strazburu, broj: 11-Ai-3/18-199/18 od 19.03.2018. godine, broj: 11-Ai-3/19-163/19 od 20.03.2019. godine broj: 11-Ai-2/19-542/19 od 26.09.2019. godine, broj: 11-Ai-3-775/19 od 09.12.2019. godine i broj: 11-Ai-1-774/19 od 10.12.2019. godine i mišljenjima Kantonalnog pravobranilaštva Zenica broj: R-202/17 od 21.03.2018. godine i broj: M-17/19 od 09.04.2019. godine.

Član 2.

(Izvršenje Presuda Evropskog suda za ljudska prava)

(1) Nalaže se Ministarstvu finansija Zeničko-dobojskog kantona, da u ime Zeničko-dobojskog kantona, sa ciljem provedbe individualnih mjera, izvrši plaćanje obaveza prema aplikantima po Presudama Evropskog suda za ljudska prava u Strazburu u predmetu Šain i drugi protiv Bosne i Hercegovine, ap. br. 61620/15 i 53 druga, Elčić i drugi protiv Bosne i Hercegovine, ap. br. 34524/15 i 5 drugih, Dujak Vinko i 52 druga protiv Bosne i Hercegovine, ap. br. 17303/15 i dr i Hrnjić i 57 druga protiv BiH, ap. br. 20954/13 i dr., u dijelu koji se odnosi na glavnice, kamate, te troškove parničnog i izvršnog postupka, iz Budžetu Zeničko-dobojskog kantona za 2019. godinu („Službene novine Zeničko-dobojskog kantona“, broj 3/19 i 22/19), sa pozicije Budžeta „Sredstva za isplate po apelacijama Ustavnog suda i Evropskog suda za ljudska prava“.

(2) Naprijed navedeno plaćanje se vrši prioriteto, u odnosu na sve ostale povjerioce Kantona (za koje Evropski sud za ljudska prava nije donio presudu) i mimo redosljeda rješenja o izvršenju donesenih protiv Zeničko-dobojskog kantona kao izvršenika, utvrđenog u postupku prinudne naplate u skladu sa članom 167. Zakona o izvršnom postupku ("Službene novine Federacije BiH", br. 32/2003, 52/2003 - ispr., 33/2006, 39/2006 - ispravka, 39/2009, 35/2012 i 46/2016 i "Službeni glasnik BiH", br. 42/2018 - odluka Ustavnog Suda), a koji se vodi kod ASA banke dd Sarajevo.

(3) Isplata sredstava će se izvršiti aplikantima, ili njihovim punomoćnicima - advokatima, na račune određene u rješenjima o izvršenju, u skladu sa mišljenjem Kantonalnog pravobranilaštva Zenica broj: M-97/19 od 12.12.2019. godine.

(4) Ukoliko su pojedini aplikanti otkazali punomoći punomoćnicima - advokatima, koji su navedeni u rješenjima o izvršenju (i o tome obavijestili Ministarstvo finansija i nadležni sud, te time započeli postupak izmjene rješenja o izvršenju kod nadležnog suda), a po istom otkazu

punomoći nadležni sud još nije donio rješenje o izmjeni rješenja o izvršenju u tom dijelu, isplata tim aplikantima će se izvršiti na račune koje su aplikanti odredili u svojim podnescima o otkazu punomoći, u skladu sa odredbama člana 21. stav. 1. i člana 166. stav 4. Zakona o izvršnom postupku Federacije BiH i člana 310. stav 1. Zakona o parničnom postupku („Službene novine Federacije BiH“, broj 53/03, 73/05, 19/06 i 98/15) i u skladu sa aktima Ureda zastupnika Savjeta ministara BiH pred Evropskim sudom za ljudska prava u Strazburu, broj: 11-Ai-3-775/19 od 09.12.2019. godine i broj: 11-Ai-1-774/19 od 10.12.2019. godine, u kojima se sugeriše da se iznosi dosuđeni po domaćim pravosnažnim odlukama za koje je Evropski sud u svojoj presudi naložio isplatu imaju isplatiti na račun koji odredi aplikant.

(5) Ministarstvo finansija će nakon izvršenog plaćanja obaveza prema aplikantima obavijestiti o istom punomoćnike - advokate, koji su navedeni u rješenjima o izvršenju, odnosno koji su aplikante zastupali pred domaćim sudovima, kako bi isti svoje međusobne odnose sa aplikantima - tražiocima izvršenja, po osnovu zastupanja pred domaćim sudovima, riješili u skladu sa Zakonom o advokaturi u Federaciji BiH i Zakonom o obligacionim odnosima.

Član 3.

(Obaveze aplikanata i njihovih punomoćnika)

(1) Obavezuju se aplikanti, odnosno njihovi punomoćnici - advokati, koji su ih zastupali pred Evropskim sudom za ljudska prava u Strazburu da najkasnije 8 dana nakon prijema sredstava, obavijeste Ministarstvo za ljudska prava i izbjeglice BiH, Ured zastupnika/agenta Savjeta ministara BiH pred Evropskim sudom za ljudska prava, Komitet ministara Savjeta Evrope i Evropski sud za ljudska prava u Strazburu, da je Zeničko-dobojski kanton u potpunosti izmirio sve svoje obaveze plaćanja po predmetnim presudama prema aplikantima.

(2) Kako bi obaveze Zeničko-dobojskog kantona po rješenjima o izvršenju na Spisku ASA banke dd Sarajevo bile umanjene za isplaćeni iznos sredstava, obavezuju se aplikanti da najkasnije 8 dana nakon prijema sredstava, lično ili putem svojih punomoćnika - advokata, pismenim podnescima dostavljenim nadležnom sudu u cjelosti povuku svoje prijedloge za izvršenje, uz obrazloženje da su isplatom novčanih iznosa od strane Vlade Zeničko-dobojskog kantona po gore navedenim presudama potpuno namireni sa svojim potraživanjima (za glavni dug, zakonske zatezne kamate i troškove parničnog i izvršnog postupka), a kopiju podneska o povlačenju prijedloga o izvršenju će dostaviti Kantonalnom pravobranilaštvu Zenica.

(3) Nakon izvršene isplate po predmetnim presudama iz člana 2. ove odluke, međusobni odnosi između aplikanata i njihovih punomoćnika - advokata, koji su ih zastupali pred domaćim sudovima, će se riješiti u skladu sa Zakonom o advokaturi u Federaciji BiH i Zakonom o obligacionim odnosima.

Član 4.

(Obaveza Ministarstva finansija i Kantonalnog pravobranilaštva Zenica)

(1) Ministarstvo finansija će nakon izvršenog plaćanja obaveza prema aplikantima po presudama iz člana 2. ove odluke obavijestiti o istom Kantonalno pravobranilaštvo Zenica.

(2) Kantonalno pravobranilaštvo Zenica će nakon dostavljenog dokaza o izvršenom plaćanju obaveza prema aplikantima od strane Ministarstva finansija, podneskom obavijestiti nadležni općinski sud, da su izmirene obaveze prema aplikantima iz presuda navedenih u članu 2. ove odluke i predložiti sudu da izvršni postupak obustavi za ove aplikante, kako bi se ukupan iznos duga po pravosnažnim rješenjima o izvršenju koji se vodi kod ASA Bank d.d Sarajevo umanjio za iznos isplaćenih sredstava.

(3) Kantonalno pravobranilaštvo Zenica će poduzeti i sve druge pravne radnje iz svoje nadležnosti u cilju zaštite interesa Zeničko-dobojskog kantona kao izvršenika, kako bi u što kraćem roku, na Spisku ASA banke dd Sarajevo po pravosnažnim rješenjima o izvršenju bile umanjene obaveze Kantona za isplaćeni iznos sredstava.

Član 5.
(Realizacija Odluke)

Za realizaciju ove odluke zadužuju se Ministarstvo finansija Zeničko-dobojskog kantona i Kantonalno pravobranilaštvo Zenica, svako u skladu sa svojim nadležnostima.

Član 6.
(Stupanje na snagu)

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

PREMIJER

Mirza Ganić

Broj: 02-06-18777/19

Datum, 27.12.2019. godine

Z e n i c a

DOSTAVLJENO:

1x Ministarstvo finansija,

1x Ministarstvo za pravosuđe i upravu,

1x Kantonalno pravobranilaštvo Zenica,

1x Ministarstvo za ljudska prava i izbjeglice, Ured zastupnika/agenta

Savjeta ministara BiH pred Evropskim sudom za ljudska prava Sarajevo, putem ministarstva,

1x ASA banka dd Sarajevo, putem ministarstva,

1x “Službene novine Zeničko-dobojskog kantona”,

1x a/a.